



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 65. S. Hugonis Cluniacensis extrema.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

defuncti Præsulis mandato profitentur, etiam, si necesse foret, cum Dignitatis suæ jactura. Tum advocatus Samson, Episcopus Vigorniensis, cujus filius, ex legitimo toro natus, erat Thomas Archiepiscopus, in ceterorum Episcoporum sententiam ivit, dixitque, facturum se accurate, quod Anselmus ante mortem jussisset. Rex quoque suo calculo accedens Thomæ significavit; eam obedientiam, quam Antecessores ipsius præstitissent, Ecclesiæ Cantuariensi promitteret, vel Archiepiscopatu se abdicaret. Fecit Thomas, quod jubebatur, atque consecratus est die Dominica, vigesima septima Junii, a Richardo Episcopo Londinensi, qui prius memoratum juramentum ab eo recepit, moxque Cardinalis Pallium ei dedit. At Thomam, quoad vixit, pœnitentia torisit, quod manibus Anselmi ordinari noluisse. Ceterum Episcopus Londinensis, tanquam Ecclesiæ Cantuariensis Decanus, hac consecratione defunctus est.

Sæcul. XII.
A.C. 1109.

§. LXV.

S. Hugonis Cluniacensis extrema.

Eodem anno, octiduo post S. Anselmum, ad Superos evolavit S. Hugo, Ordinis Cluniacensis annis sexaginta Re-

Sup. 176.
LIX. 5. 58.

N 3 tor,

Sæcul. XII. A.C. 1109. Rector, quis, ut meminimus, Urbanum II.
 Papam, & S. Udalricum, Operis de Con-
 suetudinibus Monasterii Auctorem, &
 plures alios viros doctrina & pietate spe-
 ctatissimos, Discipulos habuerat, S. Pe-
 tri Damiani, Desiderii, Abbatis Montis
 Cassinensis, virorumque omnium illo
 ævo Sanctitate conspicuorum, amicus,
 Imperatori Henrico Nigro, Agneti Im-
 peratrici ejus uxori, Henrico IV. eorum
 filio, qui ipsum ultimis Regni annis Ju-
 dicem sibi deposcebat, Philippo Regi
 Franciæ, & tandem Alphonso VI. Regi
 Castiliæ, cujus munificentia adjunctus Ec-
 clesiam Cluniacensem, hodieque stan-
 tem, magnificentissimo opere condidit,
 carissimus, & summo honore cultus.
 Nempe, Hugone Præside, Ordo Clu-
 niacensis ad summum gloriæ fastigium
 pervenit, unde ipso vita functo paula-
 tim decidit. E vita vero excessit, nona
 Aprilis, anno millesimo centesimo nono,
 ætatis suæ octogesimo quinto. Vitam
 ejus sexto ab obitu ipsius anno scripsit
 Hildebertus Episcopus Cenomanensis;
 sed ea, quæ ipsi portentorum similia vi-
 debantur, studiosius, quam Viri Sancti
 gesta & mores nobis retulit. S. Hugo,
 haud diu post solemnî Ritu a Callisto II.
 Papa Sanctorum Catalogo insertus, ab
 Ecclesia in die, qua mortalibus ereptus
 est,

Boll. 29.
 Apr. to. II.
 p. 629.

Bibl. Clun.
 p. 414.
 Sup. § 4.
 Lib. LXIII.
 §. 6.

est, colitur. Eidem in Monasterii Regi-
mine succedens Pontius, qui ex Mona-
sterio S. Pontii Tomeriarum ad Clunia-
cense transferat, Abbas, numero septi-
mus, in pace annis duodecim, præfuit.

Sæcul. XII.

A.C. 1109.

Bibl. Clun.

p. 551.

§. LXVI.

Alphonfi VI. Regis Castiliæ obitus.

Alphonfus VI. Rex Castiliæ, qui S. Hu-
gonem maximi fecerat, eidem tribus
non plus mensibus superstes, e vita mi-
gravit die Jovis, prima Julii, æra mille-
sima centesima quadragesima septima,
seu anno eodem Christi millesimo cen-
tesimo nono, ætatis septuagesimo, Re-
gni trigesimo sexto, atque in Ecclesia
S. Fagonis sepultus est. Coronæ hære-
dem reliquit Urracam filiam, quam invi-
tam, & repugnantibus Castiliæ Proceri-
bus, Alphonso Regi Aragonum colloca-
verat, quamvis ex primis nuptiis cum
Raimundo Burgundo, filio Guilielmi Co-
mitis Viennensis, filium peperisset &
ipsum Alphonsum dictum. Secundi ma-
trimonii ineundi Auctores fuerant Ber-
nardus Archiepiscopus Toletanus & Epi-
scopi Castiliæ; verum Alphonso VI. fa-
tis functo, Proceres & ipsa Princeps Ur-
raca affirmabant, conjugium suum cum
Rege Aragoniæ ob affinitatem matrimo-
nium

Sup. lib.

LXIII. §. 6.

Pelag. ovet.

p. 77.

Roder. VI.

c. 33.